

Broj: 05-02-1-73/26-13
Sarajevo, 08.05.2026. godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
PREDSTAVNIČKI/ZASTUPNIČKI DOM
Tajnik/sekretar

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 15-05-2026			
Org. jed.	Redj	Priloga	Vrijednost
05/1	-02-	184	126

PREDMET: Zastupnička inicijativa Kajan Sanela, zastupnika u Zastupničkom domu Parlamenta Federacije BiH
Veza, Vaš akt broj: 05/1-02-184/26 od 30.03.2026. godine

Poštovani,

Dana 03.04.2026. godine ovo federalno ministarstvo je, putem Vlade Federacije BiH, aktom broj: 03-04-88-10/2026 od 03.04.2026. godine, zaprimilo zastupničku inicijativu Kajan Sanela, zastupnika u Zastupničkom domu Parlamenta Federacije BiH, a koja se odnosi na provjeru legalnosti javnih, vjerskih i kulturnih objekata, spomenika i vjerskih simbola na javnim površinama, posebno na području Grada Mostara, daje sljedeće očitovanje:

U skladu sa odredbama Zakona o federalnim ministarstvima i drugim tijelima federalne uprave („Službene novine Federacije BiH“, br. 58/02, 19/03, 38/05, 2/06, 8/06, 61/06, 57/09, 48/11 i 59/14), Federalno ministarstvo prostornog uređenja vrši upravne, stručne i druge poslove iz nadležnosti Federacije BiH koji se odnose na prostorno planiranje i korištenje zemljišta na nivou Federacije, izradu i provođenje politike prostornog uređenja, utvrđivanje osnovnih principa za koordinaciju i usklađivanje planskih dokumenata, kao i druge poslove utvrđene zakonom.

Poslovi izdavanja urbanističkih saglasnosti, odobrenja za građenje, upotrebni dozvola, inspeksijskog nadzora nad građenjem, kao i kontrole zakonitosti postavljanja objekata, spomenika i drugih sadržaja na javnim površinama, primarno su u nadležnosti jedinica lokalne samouprave i nadležnih kantonalnih organa, u skladu sa kantonalnim zakonima o prostornom uređenju i građenju.

Federalno ministarstvo prostornog uređenja, u okviru svojih zakonom propisanih nadležnosti, učestvuje u postupcima izdavanja akata o građenju za objekte koji se nalaze u prostoru nacionalnih spomenika Bosne i Hercegovine, odnosno u zaštićenim područjima utvrđenim odlukama Komisije za očuvanje nacionalnih spomenika, u skladu sa posebnim propisima iz oblasti zaštite kulturno-historijskog naslijeđa.

S tim u vezi, Federalno ministarstvo prostornog uređenja nije nadležno za neposredno provođenje pojedinačnih upravnih ili inspeksijskih postupaka koji se odnose na sve javne, vjerske i kulturne objekte, spomenike, vjerske simbole postavljene na javnim

površinama, kao i objekte koji su u fazi izgradnje, osim u slučajevima kada je posebnim propisom utvrđena nadležnost federalnog nivoa.

Ovo Ministarstvo podržava provođenje zakonitih i institucionalnih aktivnosti svih nadležnih organa s ciljem osiguranja poštivanja važećih propisa iz oblasti prostornog uređenja, građenja i korištenja javnih površina, uz obavezno poštivanje principa jednakosti, nediskriminacije, pravne sigurnosti i zaštite kulturno-historijskog naslijeđa.

Smatramo važnim ukazati da postupanje po pitanjima iz oblasti prostornog uređenja, građenja, zaštite kulturno-historijskog naslijeđa i upravljanja javnim površinama mora biti zasnovano na jasno utvrđenim zakonskim nadležnostima svakog nivoa vlasti i nadležnog organa. Uključivanje institucija koje nemaju stvarnu ili zakonom propisanu nadležnost za odlučivanje ili postupanje u konkretnim upravnim i inspekcijskim pitanjima može dovesti do pravne nesigurnosti, preklapanja nadležnosti i otežanog provođenja propisa.

Iz tog razloga, smatramo da eventualne aktivnosti po predmetnoj inicijativi trebaju biti usmjerene prvenstveno prema organima koji imaju neposredne zakonske nadležnosti za izdavanje akata, provođenje nadzora i poduzimanje mjera u konkretnim slučajevima.

Kako se u obrazloženju inicijative navodi sumnja u nezakonitu odnosno bespravnu izgradnju određenih objekata i sadržaja, smatramo da poseban angažman u ovom slučaju mora biti na strani nadležnih urbanističko-građevinskih i drugih inspekcijskih organa, koji su ovlašteni da kroz inspekcijski nadzor utvrđuju postojanje potrebnih odobrenja, usklađenost sa prostorno-planskom dokumentacijom i zakonitost izvođenja radova, te da poduzimaju mjere propisane važećim zakonima.

Federalno ministarstvo prostornog uređenja može, u okviru svojih zakonom propisanih nadležnosti, pružiti stručnu saradnju i postupati u predmetima koji se odnose na područja nacionalnih spomenika Bosne i Hercegovine, ali neposredno utvrđivanje eventualne bespravne gradnje i poduzimanje upravnih i inspekcijskih mjera ostaje u nadležnosti inspekcijskih organa.

Imajući u vidu navedeno, smatramo da je za postupanje po predmetnoj inicijativi potrebno da nadležni organi Grada Mostara, Hercegovačko-neretvanskog kantona i nadležne inspekcijske službe, svako u okviru svojih zakonom utvrđenih nadležnosti, izvrše provjere i poduzmu mjere u skladu sa važećim propisima.

Federalno ministarstvo prostornog uređenja ostaje opredijeljeno za saradnju i pružanje stručne pomoći u okviru svojih zakonom propisanih nadležnosti.

S poštovanjem,

**MINISTAR**
Zeljko Nedić

Dostaviti:

1. Naslovu
2. a/a
3. Vladi Federacije BiH (na znanje)